

**ԳԻՏԱԿԱՆ ՆՍԱՀՇՐՋԱՆ՝ ՆՎԻՐՈՒՄ XIX դ. ԵՐԿՐՈՐԴ ԿԵՍԻ
ԱՐՆՎՄՏԱՀԱՅ ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՈՒՄՆԵՐԻՆ**

Հունիսի 19-ին ՀՍՍՀ ԳԱ պատմության ինստիտուտում տեղի ունեցավ գիտական նստաշրջան՝ նվիրված XIX դ. երկրորդ կեսի արևմտահայ ազգային-ազատագրական շարժումներին: Նստաշրջանը բացեց ՀՍՍՀ ԳԱ պատմության ինստիտուտի դիրեկտոր, պատմական գիտությունների դոկտոր Հ. Ա. Ավետիսյանը: Նա նշեց, որ նրա-տաշրջանի նպատակն է լուսաբանել հայ ժողովրդի պատմության բազմազան մասը կազմող հայ ազգային-ազատագրական շարժումների պատմության կարևոր այդ շրջանը և գրանցել իսկ արժանի տուրք մատուցել ժողովրդական հերոսներին, հակահարված տալ պատմության կեղծարարներին, է՛լ ավելի նպաստել սովետական հայրենասիրության խորացման ու սոցիալիստական ինտերնացիոնալիզմի ոգով նոր ուժերնդի դաստիարակության գործին:

Նստաշրջանում ՀՍՍՀ ԳԱ ակադեմիկոս Մ. Դ. Ներսիսյանը հանդես եկավ «Հայ ազգային-ազատագրական պայքարը օսմանյան բռնապետության դեմ և պատմության կեղծարարները» թեմայով: Նա կանգ առավ XIX դ. երկրորդ կեսին օսմանյան բռնապետության դեմ ծավալված հայ ազգային-ազատագրական շարժման ընդհանուր բնույթի հարցերի վրա և արեց մի շարք տեսական եզրակացություններ: Մասնավորապես նշեց, որ հակասության կանգնած շարժման զբաղակար շարժիչ ուժը արևմտահայ դյուղացիությունն էր, որն անօրինակ ճնշումներից ու հարստահարություններից ազատվելու համար դիմեց զինված ելույթների, ապստամբությունների ու ինքնապաշտպանական կռիվների: Ժողովրդական մասսաների ազատագրական պայքարին զործն մասնակցություն ունեցավ առաջավոր, ղեկավարողական մտավորականությունը, որի ջանքերով հիմնվեցին մի շարք գաղտնի քաղաքական խմբակներ ու կազմակերպություններ: Հայ ազատագրական պայքարը Օսմանյան կայսրության մեջ XIX դ. ծավալված ազգային-ազատագրական շարժման ընդհանուր շղթայի մի օղակն էր: Սերբերի, հուլների, բուլղարների և մյուս ժողովուրդների հակաօսմանյան ազատագրական պայքարը շատ ընդհանրություններ ունի հայ ազատագրական շարժման հետ: Առկա են եղել փոխազդեցություններ, գաղափարական ու

գործնական-քաղաքական կապեր, ընդհանուր թշնամու դեմ միատեղ պայքարելու ձգտում ու փորձեր: Հայ ազատագրական շարժումը ուներ լուսակալի կողմնորոշում: Արևմտյան տերությունները պաշտպանում էին օսմանյան պետությանը և, իրաստրեն, հանդես էին գալիս հայ և մյուս ժողովուրդների հակասությանն ազատագրական շարժումների դեմ: Մ. Ներսիսյանն այնուհետև նկատեց, որ ժամանակակից հետադեմ ազգայնամոլ պատմաբաններն ու հրապարակախոսները և քաղաքական նկատառումներով դրանց ձայնակցող արևմտյան մի շարք հեղինակներ, կեղծելով պատմական իրողությունը, պնդում են, թե Արևմտյան Հայաստանում տեղի են ունեցել միայն արկածախնդիր դանազան մարդկանց կողմից ուրհանդեսներն կազմակերպված աննշան ելույթներ, բայց ոչ ինքնաբերական ժողովրդական, մասսայական շարժում: Պատմության կեղծարարները, որ փորձում են ամեն կերպ վարկաբեկել հայ ազատագրական պայքարը, «մոռանում են» այն հանրահայտ ճշմարտությունը, որ ազգային և սոցիալական դաժան ճնշումների ու հարստահարությունների ենթակա ամեն մի ժողովրդի իրավունքը և սրբազան պարտականությունն է ոտքի կանգնել՝ իր կյանքը, գույքը ու պատիվը, իր ազգային անկախությունը և ազատությունը ապահովելու համար:

Պատմական գիտությունների թեկնածու Ե. Ա. Կոստանդյանի զեկուցումը նվիրված էր XIX դ. 80-ական թվականների արևմտահայ ազատագրական շարժումներին: Զեկուցողը նկատեց, որ 1877—1878 թթ. ռուս-թուրքական պատերազմից հետո Սան-Ստեֆանոյի և Բեռլինի վեհաժողովներում առաջին անգամ միջազգային դիվանագիտության քննության առարկա դարձավ Հայկական հարցը՝ արևմտահայ ժողովրդի ֆիզիկական գոյության հարցը: Բեռլինի դաշնագրի 61-րդ հոդվածով Բ. Իսթըր պարտավորվեց բարենորոգումներ անցկացնել Արևմտյան պաշտպանել քրդերի և շերքեզների հարձակումներից: Ուլտրաական պետությունների ալյերին թող փնելու համար թուրքական կառավարությունը կազմեց հանձնաժողովներ և բարենորոգումներ իրագործելու պատեր-

վակի տակ դրանք ուղարկեց Արևմտյան Հայաստան, իրականում սաստիկ սրելով հայ-քրդական հակամարտությունները Այդ նպատակով էլ սիրաշահեց քրդական ռազմական վերնախավին և նրան իր ձեռքին գործիք դարձրեց արևմտահայության ծրագրված կոտորածներին մասնակից դարձնելու համար։ 1880-ական թվականներին սկսվեցին համիդյան «զուլումի» տարիները։ Արևմտահայությունը ոտքի կանգնեց պաշտպանելու իր կյանքը, պատմիկ ու ունեցվածքը։ Դիմադրական-ազատագրական շարժումները ծավալվեցին առաջին հերթին Վանի, իրզրումի, Մուշի կուսակալություններում։ Ստեղծվեցին գաղտնի կազմակերպություններ և ընկերություններ՝ «Ա և խաչ»՝ Վանում և «Պաշտպան Հայրենյացը»՝ Կարինում։ Այդ ընկերությունների առաջնահերթ նպատակը ժողովրդի ինքնապաշտպանության գործի նախապատրաստումն էր, զենքի հայթայթումը, զինավարժությունը։ Թե՛ Վանում և թե՛ Կարինում այդ շարժման հիմնական շարժիչ ուժը կորուսեցինությունն էր, արհեստավորությունը և ժողովրդի ծոցից դուրս եկած մտավորականությունը։ «Ա և խաչ» և «Պաշտպան Հայրենյացը» կտպեր հաստատեցին միմյանց հետ։ Նրանց գաղափարական ղեկավարներն էին Մ. Խրիմյանը, Մ. Փորթուգալյանը և Կ. Կամսարականը։ Մուշում և Ջնիթում այդ շարժումներն ընթացան այլ հունով։ Ժողովրդական մարտեր սկսվեցին քուրդ ռեկերի և կառավարական պաշտոնյաների դեմ։ Մավալվեց ժողովրդական լիբերալներին՝ հայդուկային շարժումը, որն ավելի ուժեղ սոցիալական բովանդակություն ուներ։ Լ. Սարկավազը, Արաբոն և ուրիշներ անձնուրաց հերոսների առաջին շարքերում էին։ Տասնամյակի վերջում, այնուհետև առաջ ղեկուցողը, ստեղծվում են քաղաքական կուսակցությունները։ 1885-ին Վանում ստեղծվում է «Արմենական» կազմակերպությունը, որն իր գործունեությունը ծավալում է առավելապես հետագա տասնամյակներում և հետըդհետե վերածնում է կուսակցության։ 1887-ին ժնեում ստեղծվում է «Հնչակյան» կուսակցությունը, որն իր մոտակա նպատակը համարում էր Արևմտյան Հայաստանի ազատագրումը և ռամկապետական կարգերի ստեղծումը։ Այսպիսով, եզրակացրեց Կոստանդյանը 1880-ական թվականները, նախորդ տասնամյակների հետ համեմատած, նշանավորվեցին ազգային-ազատագրական շարժումների վերելքով և պայքարի ակտիվ ու պասիվ ձևերի համադրությամբ։

Իր ղեկուցման մեջ պատմական գիտությունների ղեկավար Լ. Մ. Պողոսյանն անդրադարձավ XIX դ. 90-ական թվականներին Արևմտյան Հայաստանում հայերի ինքնապաշտպանական կրթիվներին։ Նա հանգամանորեն լուսարանեց Ա-

րևմտյան Հայաստանում և Թուրքիայի հայաբնակ վայրերում հայ ժողովրդի համար ստեղծված սոցիալական ու քաղաքական ծանր վիճակը։ Այդ պայմաններում հայության մի մասը բռնեց զաղթի ուղին, իսկ ժողովրդի առավել ըմբոստ տարրերը՝ քարճաքցան լեռները, խառնեցնելով հայրենիների շարքերը։ Այսպիսով, արևմտահայ ազգային-ազատագրական շարժումները հետևանք էին ժողովրդի ծանր վիճակի, օրինաչափ էին և ներմուծված չէին դրսից։ Արևմտահայ ազգային-ազատագրական շարժումների վառ դրսևորումներին էին Սասունի 1894 թ. հերոսամարտը, 1895 թ. Ջնիթունի և 1896 թ. Վանի ինքնապաշտպանական կռիվները, որոնց ընթացքում իր ֆիզիկական գոյությունը պաշտպանելու համար ոտքի ելած հայրդիները դրսևորեցին անօրինակ քաջություն ու անձնագոհություն։ Վերջում զենուցողը նշեց, որ արևմտահայության XIX դ. 90-ական թվականների պատմության ուսումնասիրությունից կարելի է եզրակացնել. 1. զննվող ժամանակաշրջանում հայկական կոտորածները կազմակերպված էին թուրքական կառավարության կողմից։ Կոտորածներին մասնակցում էին թուրքական բանակը, համիդյան զնդերը և մահմեդական մոլեռանդ ամրոխը, 2. կոտորածները նպատակ ունեին պակասեցնելու հայերի թիվը, իսկ կենդանի մնացածներին ստիպել թողնելու իրենց հայրենիքը, 3. Սասունի, Ջնիթունի և Վանի վրա հարձակումների նպատակը հայ ազգային-ազատագրական շարժման այդ կարևոր կենտրոններին հարվածելն էր, 4. այդ կոտորածները ցեղասպանություն էին, որն այժմ փորձում են հերքել պատմության կեղծարարները։

«Ռուս առաջադեմ հասարակախոսությունը և արևմտահայությունը XIX դարի վերջերին» ղեկուցմամբ հանդես եկավ պատմական գիտությունների ղեկավար Ա. Ս. Համբարջյանը։ Նա ընդգծեց, որ 1890-ական թվականների կոտորածներից հետո արևմտահայերի դրությունն ավելի վատթարացավ։ Թուրքական իշխանություններն ու քուրդ աղաները նոր ուժով շարունակեցին բռնազրավել նրանց հողերը և սաստիկացնել սոցիալական ու ազգային ճնշումները։ Արևմտահայերը հարկադրված դիմեցին Ռուսաստանին, խնդրելով նրա միջամտությունը՝ իրենց վիճակի թեթևացման համար, բայց ցարական պաշտոնական շրջանները բացասական վերաբերմունք ունեին արևմտահայ ազատագրական շարժումների հանդեպ։ Այլ էր սակայն ռուս առաջադեմ հասարակախոսության վերաբերմունքը։ Այն պաշտպանում էր հայ ժողովրդի արդար գործը, մեծ տերություններին, այդ թվում և Ռուսաստանից, պահանջում ներգործել սուլթանի վրա, կանխել հայկական հալածանքները, հակահայկական արյունոտ քաղաքականությունը։ Հայանպաստ

Հրապարակախոսական հոդվածներով ու գեղարվեստական ստեղծագործություններով հանգեսական ուս մի շարք գրողներ ու հրապարակախոսներ՝ Յու. Վեսելովսկին, Ե. Մորոզովը, Վ. Գոլցերը, Վ. Դոլմատսկին և ուրիշներ։ Ռուս մարդիկ, վերջում ասաց զեկուցողը, կազմակերպեցին նաև հանգանակություն՝ հօգուտ տարաբախտ հայերի։ Այդ պորժին իրենց համեստ միջոցներով մազնակեցին նաև բանվորները, գյուղացիները և զինվորները։

Ջեկուցումների շուրջ ծավալված մտքերի փոխանակությանը մասնակցեցին ՀՍՍՀ ԳԱ ակադեմիկոսներ Գ. Բ. Դադիբջանյանը, Ս. Տ. Կ-

ունյանը, պատմական գիտությունների դոկտորներ Մ. Կ. Ջալալյանը և Ա. Պ. Սիմոնյանը։

Գիտական նստաշրջանի արդյունքներն ամփոփեց Հ. Ա. Ավետիսյանը։ Նա ասաց, որ պատմության ինստիտուտում հայ ժողովրդի ազգային-ազատագրական շարժման հարցերը այսուհետև կդառնան բողոքականի ու ավելի խոր ուսումնասիրության առարկա։ Հատուկ ուշադրություն կարժանանա XX դ. սկզբի հայ ազգային-ազատագրական շարժումների, Ստոլնի, Սարիգամիշի, Սարգսյանի, Ապարտի, Ղարաբաղի, Ղարաբաղի, Ղարաբաղի պատմության ուսումնասիրությունը։